

Na osnovu člana 15. Zakona o principima lokalne samouprave u FBiH ("Službene novine FBiH" broj: 49/06 i 51/09) i člana 39. Statuta Općine Jajce ("Službene novine Općine Jajce" broj 3/08), načelnik Općine Jajce donosi:

**PROTOKOL**  
**o postupanju općinskih organa uprave Općine Jajce u slučajevima pojave incidenata**  
**motivisanih mržnjom**

**Član 1.**

- (1) Ovim protokolom uređuje se postupanje općinskih organa uprave Općine u slučajevima pojava incidenata motivisanih mržnjom na teritoriji općine Jajce.
- (2) S ciljem efikasnog odgovora lokalne zajednice, u slučajevima iz stava (1) ovog člana općinski organ uprave Općine Jajce će u kontinuitetu istraživati u poticanju svih građana i pravnih lica sa sjedištem na području općine Jajce da nadležnoj policijskoj stanici prijavljuju iste incidente neposredno po saznanju o njihovom nastanku.
- (3) Općina Jajce, njene službe za upravu, kao i JU i JP čiji je osnivač Općina Jajce ovim Protokolom se obavezuju prijaviti nadležnoj policijskoj stanici svaki incident u slučajevima iz stava (1) ovog člana.

**Član 2.**

- (1) Sve potrebne informacije o počinjenom incidentu prikupljaju se od Policijske stanice Jajce i Sektora za odnose sa javnošću MUP-a SBK/KSB.
- (2) Ukoliko općinska uprava prva dobije informaciju o počinjenom incidentu, o istom treba da informiše Policijsku stanicu Jajce.
- (3) Državni službenik u općinskim organima uprave Općine Jajce, koji je raspoređen na radno mjesto za informisanje javnosti (u daljem tekstu: Službenik za informisanje) zadužuje se za provedbu protoka informacija iz ovog protokola.

**Član 3.**

- (1) Službenik za informisanje obavezan je da dijeli informacije o počinjenom incidentu sa svim relevantnim službama u općinskom organu uprave Općine.
- (2) U konsultaciji sa istima izrađuje se nacrt javnog saopćenja osude počinjenog incidenta.

**Član 4.**

Tekst javnog saopćenja se dostavlja načelniku koji ga potvrđuje i autorizira, te ovlašćuje Službenika za informisanje da objavi saopćenje o počinjenom incidentu.

**Član 5.**

Saopćenje se objavljuje na službenoj internet stranici Općine Jajce i na oglasnoj ploči Općine Jajce i dostavlja se medijima i JU i JP čiji je osnivač Općina Jajce.

**Član 6.**

Javno saopćenje o počinjenom incidentu objavit će se najkasnije 72 sata od prijave incidenta.


**Član 7.**

Za realizaciju ovog protokola zadužuje se Kabinet Općinskog načelnika.

**Član 8.**

Ovaj Protokol stupa na snagu danom donošenja i objavit će se na službenoj internet stranici Općine Jajce i „Službenim novinama Općine Jajce“.

Broj: 02-04-2637/20  
Jajce, 19.3.2020 godine



Općinski Načelnik  
Edin Hozan